

ÍSLANDBANKI HF.


UFS EINKUNN **88 / A3**

A1-A3	B1-B3	C1-C3	D
Framúrskarandi	Gott	Miðlungs	Slakt


UFS NIÐURSTÖÐUR

NIÐURSTÖÐUR	Vægi	Stig	Einkunn
Heildareinkunn	100%	88	A3
Umhverfisþættir	10.5%	95	A2
E.1 Umhverfisstjórnun og vishagkvæmni	7.5%	94	A2
E.2 Yfirsýn yfir umhverfisstjórnun	3%	95	A2
Félagsþættir	25.5%	92	A2
S.1 Mannauður	20.5%	98	A1
S.2 Viðskiptaánægja og tengsl við samfélagið	5%	70	B2
Stjórnarþættir	64%	85	B1
G.1 Almennir stjórnarþættir	10%	87	A3
G.2 Starfshættir og virðiskeðjan	22.5%	85	B1
G.3 Vörur og þjónusta	31.5%	84	B1

UFS EINKUNN



UFS EINKUNNADREIFING



STUTT SAMANTEKT Á NIÐURSTÖÐUM

Íslandsbanki fær framúrskarandi einkunn í UFS mati Reitunar og endar með 88 stig af 100, flokki A3. Íslandsbanki hefur til lengri tíma sinnt sjálfbærnimálum vel og vinnur eftir viðmiðum Sameinuðu þjóðanna um ábyrga bankastarfsemi (UN PRB) og styður skipurit bankans vel við málaflokkinn. Fjármálafyrirtæki á Íslandi starfa undir umfangsmiklu regluverki og eftirliti Fjármálaeftirlits Seðlabanka Íslands (FME). Bankinn hefur lokið tveimur málum með sátt við FME og greitt í báðum tilvikum sekt. Í kjölfarið fór bankinn í mikla úrbótavinnu með þriðja aðila til að mæta kröfum FME, en málin hafa þó enn einhver áhrif á UFS einkunn bankans.

Íslandsbanki hefur sterka umhverfisstjórnun og stefnir að kolefnishlutleysi frá eigin rekstri og eignasafni fyrir árið 2040. Bankinn er jafnframt aðili að Net-Zero Banking Alliance (NZBA) og hefur sett sér markmið byggð á vísindalegum grunni (SBTi). Helstu tækifæri bankans til að stuðla að minni losun felst í því að draga úr kolefnislosun frá lána- og eignasafni. Íslandsbanki vinnur markvisst að því og hefur meðal annars birt útreikninga á fjármögnuðum útblæstri samkvæmt aðferðafræði PCAF. Þar að auki hefur bankinn kolefnisjafnað mælda losun frá heildarrekstri með vottuðum kolefniseiningum. Sjálfbærniáhætta er formlega hluti af áhættuvilja bankans sem stjórn ber ábyrgð á og er aðkoma stjórnar og æðstu stjórnenda að umhverfismálum og loftslagstengdri áhættu virk. Íslandsbanki býður upp á vörur og þjónustu sem styður við sjálfbærni og tekur tillit til UFS þátta í vörubrúun hjá sér. Þá fylgir bankinn stefnu um ábyrgar lánveitingar, vinnur eftir sjálfbærri fjármálaumgjörð og er hlutfall sjálfbærra lána af fyrirtækjalánum 15%. Bankinn gerir sjálfbærniáhættumót á fyrirtækjum í lánaviðskiptum og hefur mótað góða ferla til að framkvæma og nýta mötin. Þjáfun og fræðsla til viðskipta- og lánastjóra er virk og leggur bankinn áherslu á að viðhalda henni. Íslandsbanki hefur til lengri tíma verið með framúrskarandi umgjörð til að hlúa að mannauði, sem há starfsánægja og stöðug starfsmannavelta styður. Eignastýring bankans fer fram hjá Íslandssjóðum, dótturfélagi Íslandsbanka, sem hefur skuldbundið sig til ábyrgar fjárfestingar með aðild að UN PRI. Þá stendur bankinn einnig vel að upplýsingaöryggi og starfrækir upplýsingaöryggiskerfi sem er vottað samkvæmt ISO 27001 staðlinum. Bankinn starfar eftir starfs- og siðareglum og í kjölfar niðurstaðna FME hefur bankinn útvíkkað hlutverk regluvarðar, tekið ferla tengda peningapvætti og fjármögnun hryðjuverka í gegn ásamt því að hafa unnið að því að styrkja áhættumenningu innan bankans. Íslandsbanki hefur mótað góða umgjörð um aðfangakeðjuna sína, m.a. með uppfærðum siðareglum, sjálfbærnimati á lykilbirgjum og markvissum samskiptum til birgja til að stuðla að ábyrgari starfsemi. Íslandsbanki er í virkum tengslum við samfélagið og veitir ýmsa styrki og fræðslu. Orðsporsáhætta jókst í kjölfar fyrrgreindra mála og gæti enn haft áhrif um tíma, en bankinn hefur nú lokið viðeigandi úrbótum og gripið til viðbótaraðgerða til að lágmarka frekari áhættu. Stöðugar horfur eru á UFS einkunn bankans.

SAMANBURÐUR VIÐ ÍSLENSKA ÚTGEFENDUR

Íslandsbanki er fyrir ofan meðaltal í öllum flokkum í samanburði við aðra innlenda útgefendur sem hafa farið í gegnum UFS mat hjá Reitun, en þau eru um 45 talsins. Meðaltal markaðarins sýnir heildareinkunn sem er nú 73 stig af 100 möguleikum, flokkur B2.

Fyrirvarar

Við gerð þessarar greiningar og mats á umhverfis- og félagsþáttum og stjórnarháttum (UFS), er gengið út frá því að þau gögn og upplýsingar sem Reitun hefur fengið aðgang að til skoðunar séu sannleikanum samkvæmt og ekki liggi fyrir frekari gögn. Hafi Reitun fengið afhent ljósrit af skjölum gengur Reitun út frá því að þau séu í samræmi við frumrit viðkomandi skjala og ekki hafi verið gerðir neinir viðaukar eða breytingar á þeim eftir á. Þá er gengið út frá því að allar undirritanir á skjöl og samninga sem Reitun hefur fengið aðgang að séu réttar og skuldbindandi fyrir félagið.

Þær skoðanir og spár sem hér koma fram eru byggðar á almennum upplýsingum og mögulega trúnaðarupplýsingum sem Reitun hefur undir höndum þegar matið er ritað. Helstu heimildir eru ársskýrslur og ýmis gögn frá þeim aðila sem verið er að meta, spurningalistar, samtöl og fundir auk aðgengilegra opinberra upplýsinga sem birst hafa í fjölmiðlum og á öðrum vettvangi sem félagið telur áreiðanlegar. Reitun ábyrgist þó ekki áreiðanleika eða nákvæmni upplýsinganna og ber enga ábyrgð á áreiðanleika upplýsingaveitna sem stuðst er við. Upplýsingar í umfjöllun eru einungis birtar í upplýsingarskyni og þær ber ekki að skoða sem tilboð á neinn hátt og þær skulu ekki nýttar á þeirri forsendu að um sé að ræða ráðleggingar vegna fjárfestinga í fjármálagerningum. Fjárfestar eru eindregið hvattir til að afla sér sjálfstæðra ráðlegginga eigin ráðgjafa áður en fjárfest er í fjármálagerningum, s.s. vegna lagalegrar eða skattalegrar stöðu sinnar. Reitun og starfsfólk Reitunar bera ekki ábyrgð á viðskiptum sem byggð eru á þeim upplýsingum og skoðunum sem hér eru settar fram

Þrátt fyrir að þess sé sérstaklega gætt að upplýsingarnar séu réttar og nákvæmar þegar þær eru settar fram getur Reitun, eða starfsmenn Reitunar, ekki borið ábyrgð á villum. Mat á upplýsingum endurspeglar skoðanir Reitunar á þeim degi sem þær eru settar fram, en þær geta breyst án fyrirvara. Hvorki Reitun né stjórnendur eða starfsmenn félagsins bera ábyrgð á beinu eða óbeinu tjóni sem hlýst af upplýsingum sem finna má í þessu mati eða dreifingu slíkra upplýsinga.

Sérstök athygli er vakin á því að áætlanir og spár geta breyst fyrirvaralaust á jákvæðan eða neikvæðan hátt og eru háðar utanaðkomandi óvissu og breytum sem gjarnan eru ekki á valdi Reitunar. Reitun og starfsmenn félagsins taka ekki ábyrgð á því ef að UFS mat einstakra útgefanda sem félagið hefur metið og gefið einkunn á breytist. Reitun ábyrgist ekki að gera breytingar á þeim upplýsingum sem birtar eru í skýrslunni ef forsendur þeirra breytast eða ef í ljós kemur að þær eru rangar eða ónákvæmar.

Reitun, starfsmenn Reitunar, stjórnarmenn eða aðilar tengdir Reitun kunna að eiga hagsmuna að gæta varðandi einstök félög sem greiningar, verðmatsskýrslur og annað útgáfuefni Reitunar lýtur að hverju sinni. Hagsmunir kunna að vera ýmsir t.d. sem hluthafar eða ráðgjafar, eða hagsmunir sem lúta að annarri veittri þjónustu. Möguleiki er á að útgefandi verðbréfa sem metin eru greiðir Reitun fyrir þá þjónustu. Öll greiningarvinna eru engu að síður unnin sjálfstætt af Reitun.

Reitun á allan höfundarrétt að upplýsingum í skýrslunni. Óheimilt er með öllu að dreifa þeim upplýsingum sem finna má í matinu eða nýta þær með öðrum hætti án heimildar Reitunar.